

## ՏԵՂԵԿԱՆՔ-ՀԱՇՎԵՏՎՈՒԹՅՈՒՆ

*/2008թ.-ի ընթացքում մարդկանց շահագործման՝ «Թրաֆիքինգի» դեմ պայքարի ուղղությամբ ՀՀ ոստիկանության աշխատակիցների կողմից իրականացված աշխատանքների մասին/*

### **ՀՀ քրեական օրենսգրքի 132, 132<sup>1</sup> հոդվածներ**

**«Շահագործման նպատակով մարդուն հավաքագրելը, փոխադրելը, հանձնելը, թաքցնելը կամ ստանալը»**

**«Մարդուն պոռնկության կամ սեռական շահագործման այլ ձևերի մեջ, հարկադիր աշխատանքի կամ ծառայությունների ներգրավելը կամ ստրկության կամ ստրկությանը նմանվող վիճակի մեջ դնելը կամ պահելը»**

2008թ.-ի ընթացքում ՀՀ քրեական օրենսգրքի 132, 132<sup>1</sup> հոդվածների հատկանիշներով ՀՀ ոստիկանությունում իրականացվել է վարույթ 12 քրեական գործերով կամ 15 դեպքերով: Եվս 1 քր. գործով վարույթ է իրականացվել ՀՀ ԱԱԾ-ում: Նշված գործերից 2-ը՝ նախորդ տարիներին հարուցված, կասեցված այնուհետև 2008թ.-ին վերսկսված գործեր են, 10-ը /13 դեպքերը/ 2008թ.-ին հարուցված քր. գործեր, իսկ 1 քր. գործը 2008թ.-ին հարուցվել է ՀՀ քր. օր.-ի 166 հոդվածի «անչափահասին մուրացկանության մեջ ներգրավելու» հատկանիշներով, այնուհետև վերավորակվել է 132<sup>1</sup> հոդվածի:

Նշված վերավորակված քր. գործը վերաբերվել է Երևանի հատուկ դպրոցներից մեկի փոխտնօրենի կողմից նույն դպրոցի սաներին մուրացկանության մեջ ներգրավելու՝ շահագործելու դեպքերին:

Վերսկսված 1 քր. գործը վերաբերվել է 1998-2004 թվականների ընթացքում ԱՄԷ-ում և Թուրքիայում ՀՀ քաղաքացի հանդիսացող կանանց սեռական շահագործման ենթարկելու դեպքերին:

Վերսկսված 1 քր. գործ, ինչպես նաև 2008թ.-ին հարուցված 4 քր. գործեր կամ 7 դեպքերը վերաբերվել են ԱՄԷ-ում ՀՀ-ից փոխադրված կանանց սեռական շահագործմանը՝ այդ թվում 1 քր. գործը վերաբերվել է ՀՀ քր. օր.-ի 132 հոդվածի 4-րդ մասի 1 կետի հատկանիշներով կազմակերպված խմբի կողմից կատարված թրաֆիքինգի 4 դեպքերին, իսկ մեկ այլ տարևերջին հարուցված քր. գործով առայժմ տուժողներ չեն ձանաչվել և մեղադրյալներ չեն ներգրավվել:

2008թ.-ին հարուցված 3 քր. գործեր վերաբերվել են Թուրքիայում ՀՀ-ից փոխադրված կանանց սեռական շահագործմանը:

1 քր. գործով ՌԴ քաղաքացի հանդիսացող մի շարք կանայք փոխադրվել են ՀՀ և ՌԴ քաղաքացիների կողմից ենթարկվել սեռական շահագործման այլ ձևերի՝ տրամադրվել են գիշերային ակումբներին որպես մերկապարուհիներ:

1 քր. գործով ՀՀ քաղաքացի հանդիսացող կանայք փոխադրվել են ՌԴ Մոսկվա քաղաք և ազգությամբ հայ ՌԴ քաղաքացու կողմից ենթարկվել աշխատանքային շահագործման՝ որպես ռեստորանի մատուցողներ: Նշված գործով դեռևս մեղադրյալներ չեն ներգրավվել, տուժողներ չեն ճանաչվել, թեև 1 անձ նախնական նույնացվել է որպես զոհ և ուղղորդվել ՀԿ:

ՀՀ ԱԱԾ վարույթում գտնվող 1 գործով ՀՀ քաղաքացիները որպես շինարարներ փոխադրվել են ՌԴ Ուրֆա քաղաք և ենթարկվել աշխատանքային շահագործման: Նշված գործով նույնպես դեռևս մեղադրյալներ չեն ներգրավվել, տուժողներ չեն ճանաչվել:

1 քր. գործով ՀՀ քաղաքացին սեռական շահագործման է ենթարկվել ՀՀ տարածքում և շահագործման պահին հանդիսացել է անչափահաս:

Փաստացի 2008թ.-ի ընթացքում ՀՀ քրեական օրենսգրքի 132, 132<sup>1</sup> հոդվածների հատկանիշներով վարույթ իրականացված 13 գործերից 3-ով որպես վերջնակետ երկիր է հանդիսացել Թուրքիան, 4 քր.գործով կամ 7 դեպքով Արաբական Միացյալ Էմիրությունները, 1-ով կանայք փոխադրվել են և Թուրքիա և ԱՄԷ, 2-ով Ռուսաստանի Դաշնություն, 1 գործով Հայաստանը հանդիսացել է որպես վերջնակետ երկիր ՌԴ-ից փոխադրված կանանց համար, իսկ 2 գործեր վերաբերվել են ՀՀ սահմանների ներսում իրականացված թրաֆիքինգին:

<i>2008թ. ՀՀ քր.օր.-ի 132, 132<sup>1</sup> հոդվածներով քր. գործերը ըստ ուղղությունների</i>		
Քր. գործ	Սկզբնաղբյուր երկիր	Վերջնակետ երկիր
3	Հայաստանի Հանրապետություն	Թուրքիա
4 /7 դեպք/	Հայաստանի Հանրապետություն	Արաբական Էմիրություններ՝
1	Հայաստանի Հանրապետություն	Թուրքիա, ԱՄԷ
2	Հայաստանի Հանրապետություն	Ռուսաստանի Դաշնություն
1	Ռուսաստանի դաշնություն	Հայաստանի Հանրապետություն
2	Հայաստանի Հանրապետություն	Հայաստանի Հանրապետություն

Նշված 13 գործերից 9-ը կամ 12 դեպքերը վերաբերվել են այլ անձին պոռնկության մեջ ներգրավելուն, 1-ը սեռական շահագործման այլ ձևերին /մերկապարեր/, 2-ը աշխատանքային շահագործմանը և 1-ը մուրացկանության մեջ ներգրավելուն:

<i>2008թ. ՀՀ քր. օր.-ի 132, 132<sup>1</sup> հոդվածներով քր. գործերը ըստ բնույթի</i>			
Պոռնկության շահագործում	Սեռական շահագործման այլ ձևեր	Աշխատանքային թրաֆիքինգ	Մուրացկանության մեջ ներգրավել
<b>9 /12 դեպք/</b>	<b>1</b>	<b>2</b>	<b>1</b>

ՀՀ քր. օր.-ի 132, 132<sup>1</sup> հոդվածներով վարույթ իրականացված 13 քր. գործերից 2008թ.-ի ընթացքում 2-ը ավարտվել են և դրանցով կայացվել է դատավճիռ, 1-ը ուղարկվել է դատարան, 2-ը կասեցվել են հանցագործություն կատարած անձի քննությունից թաքնվելու կապակցությամբ, իսկ մնացած 8 գործերի վարույթը շարունակվում է և դրանք փոխանցվել են 2009թ.:

<i>2008թ. ՀՀ քր. օր.-ի 132, 132<sup>1</sup> հոդվածներով քր. գործերի ընթացքը</i>				
Քր.գործեր	Ավարտված	Կասեցված	Դատարան	Փոխանցվել է 2009թ.
<b>13</b>	<b>2</b>	<b>2</b>	<b>1</b>	<b>8</b>

2008թ.-ի ընթացքում ՀՀ քր. օր.-ի 132, 132<sup>1</sup> հոդվածներով մեղադրանք է առաջադրվել 22 անձի, ևս 1 անձի մեղադրանք է առաջադրվել ՀՀ քր. օր.-ի 38-262, 340 հոդվածներով՝ տուժողին /թրաֆիքինգի զոհին/ կաշառք տալու մեղադրանքով:

Մեղադրվող 22 անձանցից 12-ի նկատմամբ իրականացվել է հետախուզում, իսկ 10-ը վերցվել են կալանքի: 12 հետախուզվողներից 3-ը 2008թ.-ին նույնպես հայտնաբերվել և կալանավորվել են: 22 մեղադրյալներից 4-ը 2008թ.-ի ընթացքում դատապարտվել են ՀՀ քր.օր.-ի 132, 132<sup>1</sup> հոդվածներով համապատասխանաբար 7 տարի 6 ամիս, 7 տարի 6 ամիս, 7 տարի և 2 տարի ազատազրկման:

31.12.2008թ.-ի դրությամբ 22 մեղադրյալներից 9 դեռ գտնվում են հետախուզման մեջ, 4-ը դատապարտվել են ազատազրկման, 4-ի վերաբերյալ գործերը ուղարկվել են դատարան, սակայն դատաքննությունը դեռ չի կայացել, մնացած 5-ով նախաքննությունը շարունակվում է:

<i>2008թ.</i>		<i>ՀՀ քր. օր.-ի 132, 132<sup>1</sup> հոդվածներով մեղադրյալներ</i>	
Մեղադրյալ	Ղատապարտված	Կալանքի տակ	Հետախուզվող
<b>22</b> <i>որից կին-18</i>	<b>4</b> <i>որից կին-4</i>	<b>9</b> <i>որից կին-7</i>	<b>9</b> <i>որից կին-7</i>

Տուժող /զոհ/ են ճանաչվել՝ միջանկյալ նույնացվել են 34 անձինք որոնցից 3-ը շահագործման պահին եղել են անչափահասներ: Տուժող ճանաչված բոլոր զոհերին առաջարկվել է աջակցություն ստանալ վերականգնողական կենտրոններում: Իրենց համաձայնությունը տված 20 զոհեր ուղղորդվել են ԱՄՔՈՐ և «Հույս և օգնություն» ՀԿ-ներ:

<i>2008թ.</i>		<i>ՀՀ քր. օր.-ի 132, 132<sup>1</sup> հոդվածներով զոհեր</i>	
Տուժող Ձոհ	Անչափահաս	Ուղղորդվել են ՀԿ	
<b>34</b> <i>որից իգ. սեռի-32</i>	<b>3</b> <i>որից իգ. սեռի-1</i>	<b>20</b> <i>որից կին-20</i>	

Տուժող ճանաչված 34 անձանցից 8-ը փոխադրվել և շահագործման են ենթարկվել Թուրքիայում, 10-ը Արաբական Միացյալ Էմիրություններում, 13-ը ՌԴ-ից փոխադրվել են ՀՀ և շահագործվել Հայաստանում, իսկ 3-ը ՀՀ-ում ենթարկվել են ներքին թրաֆիքինգի:

<i>2008թ. ՀՀ քր.օր.-ի 132, 132<sup>1</sup> հոդվածներ: Տուժողներ/զոհերը ըստ ուղղությունների</i>		
Տուժողներ	Սկզբնաղբյուր երկիր	Վերջնակետ երկիր
<b>8</b>	Հայաստանի Հանրապետություն	Թուրքիա
<b>10</b>	Հայաստանի Հանրապետություն	Արաբական Էմիրություններ
<b>13</b>	Ռուսաստանի դաշնություն	Հայաստանի Հանրապետություն
<b>3</b>	Հայաստանի Հանրապետություն	Հայաստանի Հանրապետություն

Նշված բոլոր 34 զոհերը ՀՀ ոստիկանության կողմից միջանկյալ նույնացված զոհեր են, որոնք քր. գործերով ճանաչվել են տուժող: Նախնական նույնացման փուլում գտնվող մի շարք զոհեր գործով տուժողներ չեն ճանաչվել վերջիններիս բացակայության պատճառով: Նրանց վերաբերյալ տեղեկությունները փոխանցվել են ԱԳՆ:

Ընդհանուր առմամբ ՀՀ քր.օր.-ի 132, 132<sup>1</sup> հոդվածների հատկանիշներով 2008թ.-ի ընթացքում հետախուզում է իրականացվել 24 անձանց նկատմամբ: 01.01.2008թ.-ի դրությամբ հետախուզման մեջ են գտնվել 14 անձինք, 2008թ.-ի ընթացքում հետախուզում է հայտարարվել ևս 10-ի նկատմամբ, նույն ժամանակահատվածում հայտնաբերվել են 3-ը: 31.12.08թ.-ի դրությամբ հետախուզման մեջ են գտնվում 21 անձինք:

<i>2008թ.</i>		<i>ՀՀ քր. օր.-ի 132, 132<sup>1</sup> հոդվածներով հետախուզվողներ</i>	
01.01.08թ.-ի դրությամբ	2008-ի ընթացքում հայտարարվել է	2008-ի ընթացքում հայտնաբերվել են	31.12.08թ.-ի դրությամբ
14	10	3	21

### **ՀՀ քրեական օրենսգրքի 168 հոդված**

#### **«Երեխայի առք ու վաճառքը»**

2008թ.-ի ընթացքում ՀՀ քրեական օրենսգրքի 168 հոդվածի հատկանիշներով քրեական վարույթ է իրականացվել 3 գործերով: Որպես մեղադրյալ են ներգրավվել 5 անձինք, զոհեր են հանդիսացել 8-ը՝ բոլորը մանկահասակ: Նշված 3 գործերը վերաբերվել են որդեգրման նպատակով երեխայի առք ու վաճառքին:

<i>2008թ.</i>		<i>ՀՀ քր. օր.-ի 168 հոդված</i>	
Քր.գործ	Մեղադրյալ	Զոհ	Հանձնվել են խնամակալի
3	5 <i>որից կին-4</i>	8 <i>որից իգ. սեռի-4</i>	

### **ՀՀ քրեական օրենսգրքի 166 հոդված**

#### **«Երեխային հակահասարակական գործունեության կատարելուն ներգրավելը»**

ՀՀ քրեական օրենսգրքի 166 հոդվածով՝ անչափահասին մուրացկանության մեջ ներգրավելու հատկանիշներով հարուցվել են քրեական 2 գործեր, որոնցից 1-ը վերավորակվել է 132<sup>1</sup> հոդվածի /գործի հանգամանքների մասին նշված է տեղեկանքի սկզբնամասում/: Մնացած 1 գործով որպես մեղադրյալ է ներգրավվել է 1 անձ, տուժող են ճանաչվել 2 անչափահասներ:

<i>2008թ.</i>		<i>ՀՀ քր. օր.-ի 166 հոդված</i>		
Քր.գործ	Մեղադրյալ	Դատապարտված	Տուժող Զոհ	Ուղղորդվել են
1	1 <i>որից կին-0</i>	-	2 <i>որից իգ-0</i>	կրթահամալիր

## **ՀՀ քրեական օրենսգրքի 126 հոդված**

**«Մարմնի մասեր կամ հյուսվածքներ տալուն հարկադրելը»**

2008 թ-ի ընթացքում ՀՀ քր. օր.-ի 126 հոդվածի հատկանիշներով հանցագործության դեպքեր չեն արձանագրվել:

## **ՀՀ քրեական օրենսգրքի 261, 262 հոդվածներ**

**«Շահադիտական նպատակով այլ անձի պոռնկությամբ զբաղվելուն ներգրավելը»**

**«Պոռնկությամբ զբաղվելուն նպաստելը»**

ՀՀ քրեական օրենսգրքի 261, 262 հոդվածների հատկանիշներով 2008թ.-ի ընթացքում քրեական վարույթ է իրականացվել 17 գործերով, որոնցով որպես մեղադրյալ են ներգրավվել 20 անձինք:

<b>2008թ.</b>		<b>ՀՀ քր. օր.-ի 261, 262 հոդվածներ</b>	
<b>Քր.գործ</b>	<b>Մեղադրյալ</b>	<b>Ղատապարտվել են</b>	<b>Տուժող-վկա</b>
<b>17</b>	<b>20</b>	<b>9</b>	<b>52</b>

17 քր. գործերից 3-ը վերաբերվել են սահմանանցման միջոցով այլ անձի պոռնկությամբ զբաղվելուն նպաստելուն: 3 գործերից 1-ով կանայք կամավոր պոռնկությամբ են զբաղվել Թուրքայում, իսկ մյուս 2-ով ԱՄԷ-ում:

Անչափահասի նկատմամբ ՀՀ քր. օր.-ի 261, 262 հոդվածների հատկանիշներով իրականացված հանցագործության դեպքեր 2008թ.-ի ընթացքում չեն հայտնաբերվել:

ՀՀ քր.օր.-ի 261, 262 հոդվածների հատկանիշներով հանցագործություն կատարելու համար հետախուզում է իրականացվել 8 անձի նկատմամբ: 01.01.2008թ.-ի դրությամբ հետախուզման մեջ են գտնվել 7 անձինք, 2008թ.-ի ընթացքում հետախուզում է հայտարարվել ևս 1-ի նկատմամբ, նույն ժամանակահատվածում հայտնաբերվել են 3-ը: 31.12.08թ.-ի դրությամբ հետախուզվում են 5 անձինք:

<b>2008թ.</b>		<b>ՀՀ քր. օր.-ի 261, 262 հոդվածներով հետախուզվողներ</b>	
<b>01.01.08թ.-ի դրությամբ</b>	<b>2008-ի ընթացքում հայտարարվել է</b>	<b>2008-ի ընթացքում հայտնաբերվել են</b>	<b>31.12.08թ.-ի դրությամբ հետախուզվում են</b>
<b>7</b>	<b>1</b>	<b>3</b>	<b>5</b>

2008թ.-ի ընթացքում ՀՀ ոստիկանության կողմից թրաֆիքինգի դեմ պայքարի ոլորտում կատարված աշխատանքներում մեծ տեղ են զբաղեցրել ոլորտի բարելավմանն ուղղված միջոցառումները: Մասնավորապես մշակվել և թրաֆիքինգի հարցերով միջգերատեսչական խորհրդին է ներկայացվել միջոցառումների ցանկ, որը հնարավոր կդարձնի բարձրացնել թրաֆիքինգի դեմ պայքարի արդյունավետությունը: Նախապատրաստվել է ՀՀ ոստիկանապետի հրամանի նախագիծ որով հստակեցվում է թրաֆիքինգի դեմ պայքարի բաժնի սպասարկման ոլորտները, ինչպես նաև կանոնակարգվում տարածքային ստորաբաժանումների գործունեությունը: Առաջարկություններ են ներկայացվել նաև ՀՀ քրեական օրենսգրքում առկա բացերն ու հակասությունները վերացնելու նպատակով: Ոստիկանության ակտիվ մասնակցությամբ ՀՀ թրաֆիքինգի հարցերով խորհրդի աշխատանքային խմբի շրջանակներում մշակվել է «Ազգային ուղղորդման մեխանիզմ»: Միջազգային կազմակերպությունների հետ փոխհամագործակցության արդյունքում նախնական պայմանավորվածություններ են ձեռք բերվել Աշխատանքի միջազգային կազմակերպության հետ՝ զոհերի և թրաֆիքինգ իրականացնողների կենտրոնացված վերլուծական համակարգչային ծրագիր ներդնելու ուղղությամբ: Ակտիվ փոխհամագործակցություն է ծավալվել հասարակական կազմակերպությունների հետ: Արդյունքում՝ ոստիկանության աշխատակիցների կողմից նույնացված թվով 20 զոհեր ուղղորդվել են հասարակական կազմակերպություններ՝ հետագա աջակցություն ստանալու նպատակով: ՀՀ ԱԳՆ-ի հետ փոխհամագործակցության արդյունքում թրաֆիքինգի 1 զոհ վերադարձվել է Հայաստան՝ Արաբական Միացյալ Էմիրություններից: Մի շարք զոհերի գտնվելու վայրի մասին տեղեկություններ են տրամադրվել ԱԳՆ, որոնցով աշխատանքները շարունակվում են: 2007, 2008 թվականների ընթացքում ոստիկանության համակարգմամբ և անմիջական մասնակցությամբ ոստիկանության թվով 204 աշխատակիցների համար կազմակերպվել են «Թրաֆիքինգի» խնդիրներին վերաբերվող դասընթացներ ՀՀ 10 մարզերում և Երևան ք.-ում: 16 աշխատակիցների համար միջազգային փորձագետի ներգրավվմամբ, ինչպես նաև 4 աշխատակցի համար արտագնա դասընթացներ: Ոստիկանության աշխատակիցները ակտիվ մասնակցություն են ունեցել նաև տեղական և միջազգային խորհրդաժողովներին և հանդիպումներին: Հասարակության իրազեկումը բարձրացնելու նպատակով ՀՀ ոստիկանության հասարակայնության հետ կապերի և լրատվության վարչության կողմից «02» շաբաթաթերթի և հեռուստածրագրի միջոցով ներկայացվել են մի շարք հաղորդումներ: Մի շարք նյութեր են տրամադրվել նաև այլ լրատվական միջոցներին:

*ՀՀ Ոստիկանության ԿՀԴԴ ԳԿ*